

**GOVERNMENT OF MEGHALAYA  
MINING AND GEOLOGY DEPARTMENT**

**ORDER**

No. MG. 38/2020/72

Dated Shillong the 16<sup>th</sup> July, 2020

**Ka jinglilam ne auction da ka Coal India Limited ia u dewiong u ba la dep  
pynmih ne sei lypa**

Kat kum ka rai jong ka Hon'ble Supreme Court ba la pynmih ha ka 3 tarik Naitung 2019 kaba iadei bad ka Civil Appeal No. 10720 of 2018, la pynkhreh ia ka "Comprehensive plan" na ka bynta ban aiti ia u dewiong u ba la dep pynmih ne sei lypa u ba don 32,56,715 ton sha ka Coal India Limited na ka bynta ban lilam ne auction. Na ka bynta ban pynpoi ia u dewiong sha ki designated depot, ki kamram jong ki bor ba dei peit bad ki trai dewiong ki long kumne harum:

1) Ia u dewiong yn lilam da ka "online e-auction" ha ki "designated depot" kiba yn sa pyntip shen da ka Sorkar.

2) Ki trai dewiong kiba paw kyrteng ha ka "Coal Inventory List" bad ha ka "Report on assessment of extracted coal stocks" ba la pynkhreh da ka ophis jong ki Deputy Commissioner ia kaba la dep mynjur ruh da ka Hon'ble Supreme Court (Ia ka list jong ki dewiong kiba la dep jurib bad ba la mynjur da ka Hon'ble Supreme Court lah ban ioh na ka website jong ka Department) kin hap ban phah test ia la ki dewiong na ka bynta ban tip ia ka "Gross Calorific Value" (GCV) ha kino kino ki laboratory kiba la ioh jingbit na ka National Accreditation Board for Testing and Calibration Laboratories (NABL). (Ia ki kyrteng jong kine ki laboratory la buh ha ka website jong ka Department)

3) U Divisional Mining Officer, Jowai, u Divisional Mining Officer, Williamnagar bad u Mining Officer, Directorate of Mineral Resources, Shillong kin ai ia ka jingiarap ia ki trai dewiong haba iadei bad ka jingshim sample ban phah leh test na ka bynta ban tip ia ka GCV.

4) Ki trai dewiong ki hap ban pyndap ia ki application ha ki prescribed Form (kaba lah ban ioh na ka website jong ka Department) bad submit ia ki ha ki Deputy Commissioner kiba dei khmih, ryngkat bad kine harum:

- a) EPIC card;
- b) Bank account detail;
- c) Ka affidavit ban pdiang bad ban bud ia ki kyndon ba la buh ha ka "Comprehensive plan" bad "Scheme for spot e-auction" ba la pynkhreh lyngba ka jingiatreilang jong ka Sorkar jylla bad ka Coal India Ltd; (Ia kine ki document lah ban ioh na ka website jong ka Department)
- d) Ka test report ban pynshisha ia ka GCV jong u dewiong.

5) Ia ki application bad ki kot ki sla kiba la kdew haneng, ki Deputy Commissioner kin peit bniah lane eksamin katkum ka “coal inventory list” bad “assessment report” kaba la dep mynjur da ka Hon’ble Supreme Court, bad yn sa phah sha ka ophis DMR ryngkat bad ki jingai jingmut. Haba iadei bad kane ki Deputy Commissioner kin hap ban buh kyrpang kawei ka register.

6) Kum shi bynta ban sdang, la ioh jingbit ban auction tang 2(ar) lak MT u dewiong bad kan ym tam ia ka 5000 MT shi khlieh na ka bynta uno uno u trai dewiong. Yn pyndonkam da ka khalai nusip ne lottery ban jied ia ki trai dewiong ki ban aiti ia u dewiong jong ki na ka bynta ka auction ha ka kynti kaba nyngkong.

U dewiong ba la ioh jingbit ban auction ha ki saw tylli ki District ka long kumne harum:

- a. East Jaintia Hills- 75,000 MT
- b. West Khasi hills – 50,000 MT
- c. South West khasi – 25,000 MT
- d. South Garo hills- 50,000 MT

7) Na ka bynta ban kit ia u dewiong na ki jaka buh bapher bapher sha ki designated depot, ka ophis DMR kan sam ia ki “internal Transit pass” sha kito ki trai dewiong kiba la shah jied bad kan long katkum ka “coal inventory list” bad “assessment report” kaba la dep mynjur da ka Hon’ble Supreme Court.

8) Ka long ka kamram jong ki trai dewiong ban pynpoi ia u dewiong na ki jaka buh bapher bapher sha ki designated depot bad ban leh ia kane, la ai por tang 15 (khatsan) sngi na ka tarik ba ai ia ki Transit Pass.

9) U dewiong u ban pynpoi sha ki designated depot u dei ban long tang u ba la dep sei ne tih lypa. La khang pyrshah ne mana ban sei ne tih thymmai ia u dewiong ban pynpoi sha depot.

10) Hadien ba la pynpoi ia u dewiong ha designated depot, u depot manager un aiti ia ka “receipt” ka ban pynpaw katno la iohpdiang ia u dewiong bad ka GCV ka jong u.

11) Ka jinglum ia u dewiong ha designated depot kan long ha la ki jong ki jong ki thup katkum ka grade ne ka quality ka jong u. Kawei ka thup ka lah ban kynthup ia u dewiong jong bun ngut ki trai hynrei u dewiong u dei ban long u juh u jaid ne quality.

12) Hadien ka online auction, the Sorkar jylla ynda ka la dep ot ne khate ia ka Royalty, MEPRF, Cess , GST bad GST compensation cess, kan sa pynpoi ia ka tyngka kaba sah sha ki bank account jong ki trai dewiong bapher bapher kiba dei ban ioh.

Sd/-

(Dr.Manjunatha C, IFS)  
Secretary to the Government of Meghalaya  
Mining and Geology Department